

Das 7 capitel

99



gethon vnd vnder vns zwölff tusent man erschlagen hat Nun
ist vns die zyt geben das wir vns des an im rechen mögen vnd
wir hond des vrsach vnsern willen an im züuolbringen darumb
sollen wir zu dem künig gon vñ im dis sach des troums schwär
groß vnd böß machen vñ forchtam in sinen ougē vntz wir ire
also zu forcht bringen dz er gerücht zu thünd was wir in heissen
Vnd wañ wir mercken dz er vor forcht darzu geneigt würdet
So sagē wir im sin blüt vgiessen dz er gethon habe das sollichs
mit vermyd rach über in zu schryen bis das sollichs mit sinem
lybe vñ mit sinem rych gebessert werde/ er gebe vns dan etlich
siner rät zu tödten mit deren blüt mag die rach gestillert wer
den vñ sust nit/ dan durch sinen lyb vñ sin rych vnd wen er vns
fragen wirt weliche wir wöllen / so wöllen wir des ersten vor
dern Helebatt die künig die im vnder allen andern wyben die
liebste ist Wir wöllen ouch sms brüders sun sinen heimlichen
schüter dē er vnder allen kantzlern getrüwt Wir wöllen ouch
Billero den fürsten siner utterschafft der sin heimlicher rat ist
Wir wöllen ouch sin schwert des glych uff erd keims ist/ wir wöl
len ouch sin wiß helfand dz er zu stryt rytet/ vñ wöllen wir das
er vns eins darzu gebe das ist kynaton sinen heiligē fründ/ mit
denen mögen wir rach an im thun / vnd wann er vns das alles
zu sagt / dann so sprechen wir künig dise werden din erlösung im